


Háteigur



18. árgangur 10. tbl.

15. desember 2014

Gleðileg jól!

<http://hateigsskoli.is>

Frá skólastjóra

Ágætu lesendur

Börn eru dásamleg og jólin eru stundum kölluð hátíð barnanna. Þeirra á meðal ríkir gleði og innileiki og þannig á það að vera. Í síðasta morgunsöng fyrir jól (12. desember) mátti finna þessa sönnu gleði barnanna í Háteigsskóla. Frjáls og innilegur söngur þeirra fyllti mann þeim anda sem fylgir dögnum í aðdraganda jóla. Eftir að söngstundinni lauk stóðu þau upp syngjandi og fóru í sínar lifandi raðir því að ekki er hægt að vera kyrr á meðan fjörugt jólalag er leikið. Við megum aldrei gleyma því hvað við getum verið þakklát fyrir að búa við frið og að börnin okkar njóti öryggis svo þau þroskist til að verða boðberar manngilda og réttlætis.

Í gær hlustaði ég á ræðu Indverjans Kailash Satyarti sem er annar af tveimur friðarverðlaunahöfum Nóbels þetta árið. Hann þakkaði fyrir viðurkenninguna af einstakri auðmýkt og ótrúlega eðlilega þar sem hann stóð einn á stóru fallega skreyttu sviði frammi fyrir þúsundum. Kailash sagði að í börnunum byggi hin sanna gleði og réttlæti. Hann sagði líka að á meðan eitt barn býr við þrældóm eða aðrar auðmýkjandi aðstæður einhvers staðar í heiminum er verk að vinna fyrir okkur öll því að við erum íbúar jarðarinnar. Til þess að skilja og vilja gera eitthvað í þessu þyrftum við að bjóða barninu í hverju okkar að vakna að nýju. Hann hrópaði svo spurninguna um hvort að áheyrendur ætluðu ekki að gera þetta og fólkið tók undir.

Malala Yousafzai frá Pakistan er hinn handhafi friðarverðlaunanna en hún hefur barist fyrir menntun stúlkna. Malala talar eins og hún búi yfir þúsund ára visku en er aðeins 17 ára gömul. Maður spyr sig hvernig ung manneskja geti náð að tileinka sér svo djúpa visku á jafn skömmum tíma, visku sem hefur náð til allra jarðarbúa og snert tilfinningar hugsandi manna. Það sýnir einfaldlega það sem Kailash segir að börnin búi yfir sannri þekkingu sem við eigum að leyfa að blómstra.

Barnið býr yfir þekkingu á gleðinni, kærleikanum og réttlætinu - því sem skiptir okkur í raun mestu máli. Börnin gera okkur bjartsýn og börnin vísa okkur veginn því að þau eru framtíðin. Það er endurnærandi að verða vitni að

sannri gleði barna þegar þau syngja, sem minnir okkur á að hlúa vel að þeim og endurgjalda þeim þann kærleika sem þau sýna.

Ég óska öllum innilega gleðilegra jóla,

Ásgeir Beinteinsson
skólastjóri Háteigsskóla

Skipulag yfir hátíðirnar

Á öftustu síðu Háteigs má sjá skipulag skólastarfs og jólaeyfis fram til 3. janúar 2015.

Vetur


Það er vetur.
Snjórinn fellur
og þekur allan bæinn
út í snjó.
Það þarf að klæða
sig í úlpu, húfu og
vettlinga.

Svo er gaman að fara út
og búa til snjókall.

Una Lea Guðjónsdóttir,
5. bekk

Jólamyndir

Nemendur 2. bekkjar
sáu um myndskreytinguna
í þessu blaði.



Geymt til jóla

Einu sinni var gamall sumarbústaður þar sem voru tveir karlar. Einn karl fékk sér smá kjúkling og þegar hann var búinn að borða þá fékk hann sér stóra súkkulaðiköku. Hann borðaði bara eina sneið og hann geymdi hinar sneiðarnar fram til jóla.

Ágúst
Bartoszek,
1. bekk



Einu sinni var

Ein dag vaknaði Pétur, það var aðfangadagur. Pétur kíkti í skóinn sinn og hann sá að þar var rauður gúmmibolti. Mamma hans hafði sagt honum að hann mætti vera með vinum sínum til tíu því hann var orðinn þrettán. Þeir hittust alltaf hjá gömlu neyðarskýli. Þegar hann kom spruttu þeir upp úr holræsunum og kölluðu: „Til hamingju með 13 ára afmælið!“ Svo drógu þeir burt tjöldin. Þar voru stólar við borð og á borðinu var ljúffeng kaka með þrettán kertum. Rýmið var skreytt með kertum og jólaljósum. Þeir borðuðu, opnuðu gjafir og fóru svo í bíó á myndina Neptúnus. Pétur hafði dreymt að vinir hans hefðu gleymt honum, svo þetta var hinn besti dagur.

Þjörn Thor Stefánsson, 6. bekk


Réttarhöldin í 10. bekk

Nemendur í 10. bekk tóku þátt í samþættu verkefni í íslensku og náttúrufræði þar sem þeir settu upp réttarhöld. Þar tókust nemendur á um ýmis umhverfismál og voru þá nemendur ýmist fulltrúar fyrir nútíðina eða framtíðina. Framtíðin sótti nútíðina til saka um hvernig komið var fyrir jörðinni en nútíðin varði hegðun sína fyrir framtíðinni. Báðir 10. bekkirnir tóku í sameiningu þátt í réttarhöldunum inni á sal og tókst vel til.

Sigrún Þóra Skúladóttir, kennari

Litla tröllskessan fór í dýragarðinn

Einu sinni var lítill tröllskessa. Hún ætlaði að fara í dýragarðinn. Hún gerði lista og á listanum stóð öll dýrin í dýragarðinum. Hún sá fyrst hest og hænu. Hún tók hestinn upp og sagði, „þú ert lítill“ og setti hestinn niður. Hún leit niður. Allt fólkið starði á hana allan tímann. Í lokin tók hún öll dýrin með sér heim.



Aubrey Maé Rosento, 4. bekk

Jólin mín

Á jolunum fer ég oft til ömmu og afa. Við förum fyrst í messu og svo heim til þeirra. Þar borðum við kalkún eða skinku. Svo opnum við pakkana. Gunnar Karl Thoroddsen, 5. bekk

Gjafir til skólasafnsins

Á yfirstandandi ári hefur skólasafnið notið góðvildar margra einstaklinga sem hafa gefið bækur til safnsins. Bóka-gjafirnar hafa komið sér sérlega vel því margar af bókunum hafa verið hrein viðbót við safnkostinn og aðrar komið í stað bóka sem voru orðnar lúnar eftir mikla notkun. Það hefur verið ánægjulegt að taka á móti bókagjöfunum og við þökkum kærlega fyrir okkur.

Heiða Rúnarsdóttir á skólasafni

Smákökur

Ég og mamma bökuðum smákökur.

Ísabella Sól Andradóttir, 1. bekk

Vetur

Hvað er nú þetta,
það hefur snjóað í nótt.
Kominn vetur eftir gott haust,
frábært sumar og fínt vor.
Árið er á enda skólinn er þó ennpá.
Vetrarfrí og jólin koma senn.
Nú er lífið gott.

Haraldur Daði Þorvaldsson, 9. bekk



9. bekkur á Laugum

Dagana 24. til 28. nóvember heimsóttu 9. bekkingar Háteigsskóla Tómsundabúðirnar að Laugum í Sælingsdal. Gestir staðarins voru líka 9. bekkingar Ingunnarskóla í Grafarholti. Alls voru þátttakendur yfir 80 krakkar. Hópurinn okkar undir forystu Eddu Traustadóttur, móður Tinnu, var 40 krakkar.

Eftir að hafa komið okkur fyrir á heimavistinni, hittum við Ingunnarskóla-krakkana og var öllum gestum skipt upp í 3 hópa, rauðan, grænan og bláan, hver hópur helmingaskiptur á milli skólanna. Á hverjum degi var farið í leiki, úti og inni, í íþróttasalnum, inni í herbergi sem heitir Alþingi var farið yfir mannleg samskipti, hópvinnu og þjálfun í framkomu. Kennd var framkoma, hópvinna og tillitssemi. Á kvöldin var farið í leiki og allir tóku þátt. Á hverjum degi voru frjálsir tímar til leikja og skemmtunar og í lokin fór fram keppni milli hópanna í skemmtilegum þrautum í íþróttasalnum.

Allir hjálpuðust við að taka til eftir matar- og kaffitíma og að halda herbergjum sínum snyrtilegum.


Við foreldrarir, Ársæll, Óli, Edda Gísla og Edda Trausta, vorum stolt af okkar krökkum, bæði var hegðun þeirra til fyrirmyndar foreldrum og Háteigsskóla, auk þess sem framtakssemi þeirra og hugmyndaflug í leikjum var til eftirbreytni. Engin vandræði komu upp sem sýnir okkur að þessir krakkar hafa góðan skilning á ábyrgð, samstöðu og vinskapa. Þakka ber Andreu frá Félagsmiðstöðinni fyrir að leggja okkur lið og koma alla leið vestur þrátt fyrir annríki hennar í skólanum. Á heimasíðunni eru nokkrar myndir sem náðust af þessu ærslafulla unga fólki sem skemmti sér svo frábærlega og fer heim með góðar minningar og fjölda nýrra vina frá Ingunnarskóla. Myndir á heimasíðunni eru frá Laugum og heimsókn þeirra að Eiríksstöðum, í Guðrúnarlaug og Erpsstöðum.

Foreldrar þessara barna þakka Eddu Traustadóttir hjartanlega fyrir hennar forystu, þrautseigju og alla þá vinnu sem svona ferðalag útheimtir til að takast. Starfsfólk Lauga, þau John, Jorgen, Ásta, Anna Margrét og danski kokkurinn fá líka 5 stjörnur fyrir frábæra dagskrá, skemmtilega leiki, góðan mat og rögsama stjórn.

Ólafur Schram, faðir í hópnum, tók saman þennan pistil og tók einnig myndir sem komnar eru á myndasíðu skólans.

Kannski

Bíllinn keyrir yfir
pókóvöllinn
við hann stendur grasvöllur
fyrir ofan það risaský
Kannski kemur rigning
kannski kemur rok
kannski kemur ekki neitt
Anaís Lilja Bergsdóttir,
5. bekk



Femínistafélag 105 & Háteigsskóla

Mánudaginn 8. desember var haldinn stofnfundur Femínistafélags 105 & Háteigsskóla. Tilgangur félagsins er að standa fyrir margs konar fræðslu, sýna áhugaverða þætti og heimildamyndir, ræða hvernig unglingar upplifa ólíka stöðu kynjanna í sínu nánasta umhverfi og vinna frumkvöðlastarf í þágu jafnréttismála, eins og segir á heimasíðu 105.

Trölíð í Höfða

Ég var í sveitinni hjá ömmu, það var dimmt úti og hvasst í veðri. Þegar ég fór út þá byrjaði að snjóa. Ég gekk upp á heiði, þá sá ég nakið tröll. Trölíð sá mig ekki. Ég var rosa hræddur. Ég hljóp burtu í Höfða og sagði ömmu frá þessu. Hún hlustaði ekki. Ég fór aftur út, þá var trölíð farið. Ég leitaði og leitaði en fann það ekki fyrr en næsta dag. Þá settist ég bak við stein í leyni og sá trölíð snýta sér. Mér brá svo mikið að ég skallaði steininn og öskraði svo hátt að trölíð leit til hliðar og sá mig. Þá tók ég til minna ráða og beit í fótinn á tröllinu og það hljóp í burtu og sagðist aldrei koma aftur.

Ísak Einir Magnússon, 4. bekk

Jóla kertíð

Einu sinni var ung stúlka sem var mjög fátæk. Það var aðfangadagskvöld. Á meðan allir voru að skemmta sér sat hún ein úti og var að verða kalin. Allt í einu kemur gamall karl og spyr: „Hvað er að? Taktu þetta kerti og kveiktu á því. Þá mun þér líða vel til æviloka.“ Síðan hvarf hann. Hvernig vissi hann að ég er heimilslaus? hugsaði stúlkan. Best að fylgja skipunum karlsins. Hún tók eldspýstokk upp úr vasanum sínum og kveikti á kertinu. Þá breyttist allt. Hún var allt í einu komin í rosalega flotta stofu þar sem mamma og pabbi hennar voru. Hún varð rosalega ánægð. Hún hélt jólin með þeim og leið vel til æviloka.

Stefán Gunnar Maack, 4. bekk



Flott vinna í 2. bekk


Síðustu vikur hefur 2. bekkur verið að vinna verkefni um land og þjóð. Byrjað var á að fjalla um Ísland en þar sem 15 nemendur eru af erlendum uppruna var ákveðið að vikka verkefnið út og fjalla um öll löndin. Nemendur unnu í sérfræðingahópum, öfluðu sér upplýsinga á netinu, í bókum og hjá foreldrum. Þau gerðu ritgerðir um landið, bjuggu til fyrirlestra, komu með hluti til að sýna og segja frá og héldu að lokum bekkjarkvöld þar sem afraksturinn var sýndur foreldrum. Flott verkefni hjá mjög duglegum nemendum.

Sigrún E. Ólafsdóttir, kennari

Einmana tröll

Einu sinni var afskaplega lítið og nett og rosalega fallegt tröll sem hét Laufi, en honum fannst ekkert rosa gaman að vera svona lítill og fallegur af því að allir voru að stríða honum. Alla daga gerði hann Laufi litli ekkert annað en að kjökra inni í litla hellinum sínum og þá kom mamma hans og sagði, mér finnst þú óskaplega fallegur. Af hverju tekurðu mark á þessum gaurum? Þá svarar Laufi, ég vil ekki vera svona fallegur og lítill, ég vil vera eins og hinir, svona stór og ljótur. Þá segir mamma hans, ekki gera lítið úr sjálfum þér. Láttu bara eins og þú sjáir þá ekki. Þá segir Laufi, góð hugmynd. Næsta dag labbar Laufi bara framhjá hrekkjúsínunum.

Ísak Ernir Kjartansson, 4. bekk



Fyrsta sagan

Einu sinni voru ég, Jakob og Milija í HM. Við skoruðum allir eitt mark en þá hringdi bjallan inn og við fórum í vinnubók. Fyrsta sagan búin, takk fyrir.

Ólafur Ingi Bergmann Sveinsson, 1. bekk

Jólin mín

Við förum öll í sparifötin. Amma er oftast með á jólnum. Stundum höldum við jólin með öðrum. Það er líka mjög skemmtilegt. Þá eru það vinafólk pabba og mömmu og mjög skemmtilegar vinkonur mínar. Við fáum mjög mismunandi jólamat. En um hádegðið borðum við möndlugraut og bjóðum oftast frænku minni og frænda. Á aðfangadagskvöld förum við krakkarnir með mömmu í messu, á meðan klárar amma og pabbi matinn, leggja á borð og svona. Dönsum í kringum jólatréð og opnum pakkana og höldum party.

Hildur Agla Ottadóttir, 5. bekk

Smákökur

Ég og mamma bökuðum smákökur.


Ísabella Sól Andradóttir, 1. bekk

Leyndarmál

Átt þú lítið leyndarmál sem þú þarft að geyma í skál? Stórt eða lítið, flott og skrítið.

Um sæta, flotta stráka eða kannski bara hann Láka. Um vonða pabba þinn sem er líka pabbi minn. Um lítið skammarstrik þegar þú braust hanaprik. Um stelpurnar sem eru klink og reyna alltaf að fara í flikk. Um ljóta kennarann og stóra brennarann. En leyndarmálið er alltaf þitt og þú færð aldrei að vita mitt.

Elín Katla Henrysdóttir, 6. bekk



Jólin eru komin

Dagurinn í dag segir sömu sögu og dagurinn í gær.

Í gær var rigning, líka í dag.

Það eru komin jól þar sem enginn dagur er eins.

Ljósadýrð og gleði mannanna lífgar upp á tilveruna.

Elisabeth Diez Róbertsdóttir, 9. bekk

Flotta tréð

Einu sinni var
tré úti í garði.

Það var
flottasta tréð.

Allir tóku mynd
af því.

Jakob Yong,
1. bekk



Jólin mín

Á jölunum mínum höggvum við jólatré og í forrétt borðum við humar og í aðalrétt borðum við oftast rjúpu eða hreindýr. Í eftirrétt borðum við oftast croc madam. Síðan opnum við pakkana. Amma mín og frænka mín koma oftast. Það er mjög gaman hjá mér á jölunum.

Sveinn Valfells, 5. bekk

Tröllasaga

Einu sinni var strákur sem hét Jói. Hann Jói var tíu ára strákur með svart hár og elskaði tröll. Einn daginn sá Jói risastóran fót. Jói kikti upp og sá risastórt tröll og Jói og tröllid urðu vinir að eilífu.

Gunnar Dagur Einarsson, 4. bekk

Leðurblaka


Einu sinni var leðurblaka sem vaknaði um nóttina því hún heyrði skrítið hljóð. Hún opnaði augun og sá kóngulö. Kóngulöin sagði, þú átt ekki að vera vakandi núna.

Snorri Sindrason, 1. bekk

Haut

Lauf falla niður úr tré
það sé ég
í öllum regnbogans litum
gleðja augað í skamma stund
og fljúga síðan alfarin inn í
veturinn.

Daríja Lind Einarisdóttir, 9. bekk



Skák

Sunnudaginn 30. nóvember fór fram hið árlega jólasákmót grunnskóla Reykjavíkur sem haldið var af Taíffélaga Reykjavíkur í samvinnu við skóla- og frístundasvið Reykjavíkurborgar. Teflt var í tveimur riðlum.

Háteigsskóli sendi tvær vaskar skáksveitir til leiks að þessu sinni. Það er skemmst frá því að segja að allir þeir átta skákmenn sem tefldu fyrir hönd skólans stóðu sig frábærlega.

B-sveit skólans fór langt fram úr væntingum og náði 9. sæti í riðlinum, og var meðal annars fyrir ofan fjórar A-sveitir annarra skóla. Strákarnir í A-sveitinni tefldu svo eins og englar í dag og tryggðu sér 2. sætið eftir mikinn darraðardans í síðustu umferð. Lokaumferðin var svo sannarlega ekki fyrir hjartveika!

Þessi framganga A-sveitarinnar þýddi að Háteigsskóli var á meðal þátttakenda í úrslitakeppni mótsins sem var haldin 1. desember, þegar fjórir fremstu skákskólar Reykjavíkur kepptu um sigur í mótnu. Háteigsskóli mætti þar ógnarsterkum skáksveitum Rimaskóla, Ölduselsskóla og Fossvogsskóla. Strákarnir stóðu sig vel, þó ekki fengu þeir verðlaunasæti í þetta sinn.

Það er einnig gaman að geta þess að þegar fréttist um ganga Taíffélagsins að Háteigsskóli væri kominn í úrslit þá spurði einn framámaður í íslensku skáklífi: „Er risinn vaknaður?“ Íslenskir skákmenn þekkja nefnilega margir hverjir glæsta skáksögu skólans.

Nú eru komnar nokkrar myndir af skákmönnum okkar á heimasíðuna, en þeir sem tefldu fyrir hönd skólans að þessu sinni eru:

A-sveit: Björn Magnússon, 4. bekk, Adam Omarsson, 2. bekk, Hákon Jan Norðfjörð, 7. bekk og Stefán Gunnar Maack, 4. bekk.

B-sveit: Tristan Theodór Thoroddsen, 4. bekk, Jónatan Haile Kebede, 4. bekk, Pétur Wilhelm Norðfjörð, 3. bekk og Baldur Karl Björnsson, 4. bekk.

Við óskum okkar skákfélki innilega til hamingju með árangurinn.

Vikulegar skákæfingar skólans fara fram í tónmenntastofunni á fimmtudögum kl.16-17. Allir eru velkomnir.

Kjartan Maack, skákkennari

Spakmæli mánaðarins:
Innra með okkur býr dómari
sem er mikilvægari en fagnaðarlæti heimsins.
Spyrðu hann ráða þegar þú ætlar að gera
eitthvað sem skiptir máli.

Starfsemi Háteigsskóla 18. desember 2014 - 5. janúar 2015

	18. des.	19. des.	21. des.- 1. jan.	2. jan.	5. jan.
1. - 4. bekkur	Viðvera kl. 10:10 – 13:40 Dagskrá í sal kl. 12:20	Viðvera kl. 11:40 – 13:40 Jólatré kl. 13	Jólafrí Halastjarnan verður opin alla virka daga milli jóla og nýárs.	Jólafrí í skóla og Halastjörnu	Samkvæmt stundatöflu
5. - 7. bekkur	Viðvera kl. 9:10 – 12:30 Dagskrá í sal kl. 10:30	Viðvera kl. 10 – 12 Jólatré kl. 11:30	Jólafrí	Jólafrí	Samkvæmt stundatöflu
8. - 10. bekkur	Viðvera kl. 9:30 – 13 Valverkefni	Kl. 8:45 í skóla (9.b. kl. 8:30 í kirkju) Kirkja kl. 9 Jólastund í skóla til kl. 11	Jólafrí	Jólafrí	Samkvæmt stundatöflu